

痧脹玉衡書

卷後

痧脹玉衡全書卷後目次

痧脹看症法

放痧辨

痧脹麻疹不同辨

痧脹治猶麻疹論

痘麻疹觸相同

兼痧傷寒不同辨

諸痛類痧辨

諸症不類痧辨

論

凝壅聚結辨

治痧救人脈論

痧筋統說

傷風痧脈辨

眩暈痧脈辨

痧脹舌胎論

麻疹兼痧脹

痧脹兼麻疹

痧脹類麻疹

麻疹後復痧脹

麻疹夾痧成蛔結

傷寒黃癰兼痧

痧類陰症

呃逆痧

盤腸痧

自汗盜汗驚惶痧

痧類三瘡

咽喉諸症兼痧

口舌兼痧

類瘋痧

黃氣病兼痧

翻胃噎膈痧

筋骨疼痛痧

箭風痧

久瀉肉瘦痧

婦人隱疾痧

腳氣痧

耳痛痧

手臂痛痧

腫毒夾痧辨

刺螫瘟痧

地葡萄癰痧

痧變發頤

急救逆痘要法

癰症兼痧

麻木酸痒痧

頭虛足腫痧

黃疸痧

小兒夜啼痧

驚風痰熱痧

死症痧

羊毛瘟痧

痧脹破迷論

痧脹玉衡全書卷後

楊李郭志邃右陶著

症脹看症法

治病須憑脉。若犯痧脹。則脉不對症。症不合脉。或云痧筋爲據。亦惟現外焉。且痧脹有爲食積阻滯者。有爲血痰阻滯者。或阻於上。或阻於中。或阻於下。又或阻於左。或阻於右。或阻於兩腰脇。苟非辨症的確。求其中病也。難矣。故治痧脹。一見脉之不合。先看痧筋。次審氣色。三聽聲音。四推犯病之由。其間或有食積血痰阻於上。中。下。左右各處之分。須細辨其病原。後用藥不誤也。凡痧脉有一部獨異。有六脉俱異。卽有異之中。亦有陰陽虛實。脉之神氣。可辨要非一端可執。尙其審諸。

放痧辨

或曰。子於痧也有先用藥而放刮者。有先放刮而用藥者。非放與刮。治更無別法。與曰。放刮之法。猶犯傷寒。太陽經症。必用羌活麻黃等藥。少陽經症。必用柴胡黃芩等藥。症有所犯。治有所宜。凡氣分有痧。宜用刮。血分有痧。宜用放。此不易之法。至臟腑經絡有痧。若昏迷不醒等症。非放刮所得治。兼用藥療之。無足怪也。

痧脹麻疹不同辨

麻疹之發。因傷風熱。故身體壯熱。咳嗽煩悶。卽是班疹之候。麻疹在他方。有名厝子。有名蚤疹。在檣李則名痧子。而痧脹亦名爲痧。不可不辨。麻疹因傷風肌表必虛。虛則毒氣乘虛而泄。故

藥雖或涼。仍可用熱飲。若痧脹或因穢氣所觸。或因暑氣所感。或動時行不正之氣。或乘伏寒伏熱過時而來。總不起於外傷風熱。故肌表必實實。則熱毒之氣。既脹於胸腹腸胃之中。若更用熱飲。則熱氣適助其腫脹。無從而泄。故犯此者。有立時脹歿。此不可不辨也。

痧脹治猶麻疹論

麻疹之發。必欲盡透。故治麻疹須要見於肌表者多。多則毒氣俱泄。然後腸胃不留餘毒。治痧在肌表者用刮。在血肉者用放。亦猶治麻疹。須盡透肌表之謂也。

痘痧穢觸相同

痘瘡爲穢氣所觸。卽時作變。痧脹也。麻疹爲穢氣所觸。卽時反

隱亦痧脹也。若暑氣時行不正之氣。感爲痧者。詎無相類者與。

治驗

一陳姓婢。十四歲。四月。壯熱煩悶。腹痛身重。痧痧遍體。脉微而細。觸穢之症也。閱腿灣痧筋。放七針。手指放十餘針。俱紫黑。毒血煩悶稍鬆。用寶花散。阿魏丸。清茶微冷飲之。又付活血順氣之劑。腹痛遂止。痧痧漸散。身體輕快。痘卽起發。視其形色。已四朝矣。後皆如期貫膿收靨而愈。可見痘中觸穢。因痧而隱者。比比也。

兼痧傷寒不同辨

犯傷寒者。有外感三陽之寒。有直中三陰之寒。兼痧者。非可俱兼也。痧者。熱毒也。熱毒入裡。內作腫脹。熱毒發外。肌膚腫脹。或

升頭面。或散四肢。此等惡疾。俱由熱毒之氣所攻也。若直中三陰之真寒症。無有兼痧者。蓋三陰既已直中。則熱氣爲寒氣所拒。無由而入也。至於外感三陽。或先受痧而感寒。或先受寒而感痧。或痧毒驟發。熱極而生寒戰。甚至手足厥冷。則俱有之。若先有痧而感寒者。知其慢痧。方可暫散寒邪。而後治痧。先有寒而感痧者。痧症爲重。當先治痧。而後治寒。至如痧毒驟發。熱極而生寒戰。手足厥冷者。緊痧也。若一誤用發散。升提溫飲之藥。須防時刻凶危。急用涼水飲之。稍解胸腹中熱脹之氣。然後或刮或放。用藥治之。

諸痛類痧辨

腹痛不一。有食有氣。有火有冷。有虫有積。俱似痧。非痧。不可無

辨食者失飢傷飽。聚中脘作痛。其症遇食卽疼。胸膈飽悶似痧者一。然按脉氣口必然有力可辨。若因冷食入胃。食與寒氣相搏於中。則心脾鬱結。胸脇滿悶。中脘作疼。似痧者二。然按脉氣口必然無力。但有嘈雜衝胸。噯氣吞酸可辨。氣者因怒氣所傷。不得發越。胸膈氣塞。衝激心脾。嘔逆惡心。吐不能出。其疼手不可按。坐臥不定。奔走叫呼。似痧者三。然按脉兩關必然洪大。餘部俱必應指。及刮之無痧。痧筋不現可辨。火者因熱作痛。胃火上逆。嘔吐酸水。必然口渴。欲飲飲入卽吐。其症手足溫煖。面帶陽色。似痧者四。然按脉六部洪數。又與痧類。難以細分。必看痧筋兼用刮法可辨。冷者久屬虛寒。沉寒作痛。其脉必然平軟。似痧者五。但飲熱則安。飲冷痛發可辨。虫者胃脘疼痛有如刀觸。

痛極按心搔爬難定。兼之脉息無倫。徐疾不一。似痧者六。然虫必有因。各有所喜。如茶虫喜食茶葉。糖虫喜食糖物。或泥或絮。或酒或鹽。其爲虫也。必有一好食之便安。若遇柝榔五靈脂殺虫等藥。或藥性力薄。不能驅逐而出。勢必咬齧。翻動腸胃。更加疼痛。可辨積者。舊有宿積。聚結腸胃。忽因行動。作痛作疼。似痧者七。然痧筋罕現。刮痧無影。可辨如是辨之的確。方知痧痛詳明。治之得法。然此諸痛。又有兼痧者。將論脫閤筋而加察焉。鮮有不得其理矣。

諸症不類痧辨

凡心腹脹痛。因痧旣知之矣。痧症仍有不痛不脹者。或兼痧。或暗痧。誤飲溫熱。便致凶危等也。余竊謂凡遇危症。病家不識痧。

筋猶用刮痧可辨。醫家或認脉不清，尙有痧筋可詳。若內人不便閱視，果緣痧脹凶極，脉未有對症者，以是辨之，百不失一也。

論脹

脹者氣之閉也。氣爲毒壅，故作腫作脹。所以治痧先當治氣。如食阻其氣於上，則吐之；食壅其氣於中，則消之；食化而結其氣於下，則導之。凡諸積之阻滯，概然。凡下竅閉者，多上吐或吐蛔，或吐血，當導氣於下。中竅閉則下瀉或瀉水，或瀉蛔，當行氣於中。上竅閉而復升，則作悶或頭疼，或上腫，俱當用清涼引下之。至如氣爲毒壅，必傷血分。若乃血爲毒凝，活血爲上；血爲毒壅，破血爲先；血爲毒聚，且結敗血爲要。故治痧必兼治血，蓋血活毒氣行，血破毒氣走，血敗毒氣散。如是毒氣不留，治斯效也。

凝壅聚結辨

凝壅聚結。皆血分痧毒惡症。其間有輕重之別。凝者初犯之症。壅者凝多而壅。聚者血壅或左或右結者血滯一處故痧毒中血分結爲重。聚次之。壅又次之。凝爲輕。凝以紅花澤蘭爲主。壅以延胡索桃仁爲主。聚以蘇木茜草爲主。結以五靈脂降香爲主。輕者用藥不可重。重則恐傷本原。重者用藥不可輕。輕則治之。不效。

治驗

一尹鈞萬。咳嗽痰喘。有以緊勞治之。病日增。背鞠如弓。手足蹇緊。不能展動。嗽則周身百骸弔痛。延余診之。脉洪大無倫。此毒血壅聚也。兼又難刮難放。先以圓紅散微冷飲之。兩手

稍鬆漸爲放刮訖。又以圓紅散加三七鬱金末微溫飲之。更以蘇木茜草爲主。多加順氣活血之類。如前飲之。計日放痧。一次者四日。用藥一服者五。遂痊。

一萬君安內室。兩脇如痞。按之則痛心。胃間高起。服藥難療。延余左脉微細。右脉洪大。此慢痧毒結聚也。計放痧三次。付以五靈脂降香爲主。加桃仁延胡索及消食行氣之類。日用一服。計十二劑如舊。

一陳弘業寒熱嘔吐。苦難俛仰。腹中脹痛。夜不能寐。六脉弦細而緊數。刮放畧鬆。用紅花澤蘭劉寄奴茜草桑寄生併行。氣消食之藥微溫飲之。二劑而愈。

治痧救人脉論

或謂余曰古書所載屋漏雀啄諸怪脉現者死脉代者死爲五臟有絕也况一部無脉二三部無脉焉得有生理乎及覽玉衡痧脉止有六部無脉者死卽諸怪脉必曰放痧服藥不應者死與古書所載不同何歟曰古人論此等脉爲死脉者其常也余論此等脉尙當救之者因乎痧之變也凡痧脹之脉都有類諸死脉者余惟見此疾實憐之冀萬有一可救者因痧之變不執常脉而輕棄之也

治驗

一陳見雅內室懷娠發熱赤痢腹痛不止服他藥不效余診之脉四動一止代脉也問有痧筋放二十餘針用寶花散微冷服之付以桑寄生益母草連翹蘇梗紅花金銀花山查葡萄

子當歸枳殼青皮黃芩微冷飲四劑而痊

一張舜瞻側室腹痛嗽痰嘔吐延余脉如彈石知其患痧痛極脉亦變也令其婢放痧三十餘針用寶花散救苦丹砂仁湯稍冷飲之付以獨活紅花湯加山查神麴薑子青皮微冷飲二劑而愈

一傅純字發熱昏沉脉如解索先用陰陽水搗芋莠汁飲之放指臂痧三十餘針稍覺清爽用細辛大黃丸清茶稍冷飲之付以荆芥銀花湯加青皮微溫服二劑而痊

一鄔雲公頭面紅腫目閉喉痛六脉無根知其痧氣阻塞脉路也刺腿足痧四十餘針流紫黑血甚多又刺手臂痧二十餘針未愈用清涼至寶飲減細辛加山豆根射干牛膝石斛

桑皮枳殼稍冷飲三劑而痊。

一金子近次子祖翼九月間適因勞動飲食不時忽壯熱頭痛自以紫蘇湯薰頭而大汗胸中脹悶他醫用藥下之反口吐白沫時有議以爲痧乃更延醫診視見舌胎灰色以傷寒藥治之子近恐犯痧氣先以半小盃試服少頃卽譫語片時而止熱仍不解愈覺沉重脉有八至遂連易三醫皆云傷寒三次服藥皆昏沉譫語如前第五日眼如火赤唇若塗硃鼻如煙煤舌胎黑燥枯乾而短聲音不清足冷至腹陰囊卵縮凶脫神昏醫者皆辭不治已備後事至七日乃始放痧因病勢危篤止放二針唇眼舌聲諸死症頓愈陰囊二卵漸舒脉竟平腹始現腹痛乃知口渴因惑人言痧症不可服藥止服